

فیه ابواب الحیاء

چهار شهر عربی ابتداسیاه اون بشده نشر اولور (۵۱)

جلد ۵ - جزو ۵۱ [فی غرة محرم سنه ۱۳۰۴] نسخده می ۳ غروش

شوققره یهودیلرک شیطنتندن زیاده موثر یقارک بلاهتته ترجان اولیور .
 و بناءً علیه ۳۳۳۳۳۳۳۳ انسانیت آره سنده بولنان روسیه کوییلری میاننده متعیش
 اولان طائفة بنی اسرائیل دخی موسقوفلره لایق بر حالده بولنیور .
 رومانیا ممالکی دخی روسیه نك نوع دیگرى در . اوقطعه ده مبالات عرض
 و ناموس همان کلیاً منسی اولدینی جهتله رومانیا یهودیلری شهوات و اذواق
 رهبر لگیله تعیش ایتمکده درلر . مادام که بر مملکتده خش و سفه رواجده در .
 و مادام که بو خش و سفه او خلق ایچون طبیعت ثانیه حکمنی آلمشدر . آنی
 تسهیل ایده جک معاملاتده بولنق یهودیلر ایچون عیب دکلدر . چونکه هر
 درلو نصاب حیثیت و ناموسه بدل انواع رذائل و خشیاتی مباح عد ایدن
 بر قومک زیر تحکمنده بولنان بر طائفة عاجزه آنارک صفا رهبر لکنده بولنقله
 انسانیته مخالف حرکت ده بولنمش صایبله ماز . تابع دائماً متبوعک ازانئه ایتدیگی
 طریقله سلك اولمقده مضطردر . بناءً علیه مملکتین یهودیلری دخی رومانیا
 خلقنه لایق یهودیلر در .

ممالک عثمانیه ده بولنان موسوی همشهر یلرمزایسه بایزید ثانی عهدندن
 بری دائماً نائل امنیت اوله رق یشامش و مبالات عرض و ناموسجه مسلمانلرک
 ائرندن هیچ بر وقت آیرلماشدر . باخصوص کندیلری قناعت دیندارانه ایله
 برابر مساعی مجداننه نك مثال مشخصی درلر . ابوالضیا توفیق

ژان ژاق روسونک فوئل الوئرنزن

اون آلتنجی مکتوب

[سن برودن - ژولی ده]

مکتوب دهشت اسلوبگری کرانه او قودم و هر بر سطرانده لرزه ناک
 حیرت اولدم . مع مافیه امرگزه انقیاد ایده جگم . بونی سزه وعد ایتمش ایدم .

ایفایه بورجلییم؛ اقیسا ایدیه جگم. لیکن بویله بر فداکارلغک گوکله نه قدر
 گران گلدیگنی بیلزسکیز. خیر، ظالم بوندن بویله ده بیلیه جکسکیز. آه!
 طلب ایتدیگیز تجربه یه لزوم یوق ایدی. بو کیفیت روح بی رحمکیز ایچون
 لزومسز بر فرط اعتساف ایدیه سه ده بنجه فائده سز قالمدی چونکه دوچار
 اولدیغیم بد بختانی تزید و توفیر ایتمکیز ممکن اوله میه جفنی سزه افهام ایتشدیر.
 چکجه گزی گوندردیگیز گزی اخذ و قبول ایدیه جکسکیز. ظلم و اعتسافه برده
 خجالت و شجاعت علاوه سی آرتق چوق دکلمی؛ اگر قدر و طالعک اداره سنی
 سزه بر اقدمسه عرض و ناموسم حقدده حاکمیت مطلقه صفتی هج بر وقت
 سزه ترک و تبرع ایتما مشدر. بو (ایواه! یگانه بگا قالان) بر امانت
 مقدسه درکه اداره و محافظه سی نهایت عمرمه قدر بندن بشقه کیمسه یه حواله
 ایدلیه جکدر.

اون یدنجی مکتوب

[ژولیدن - سن پرویه]

مکتوب ضحیرت اسلوبکیز رقتی تحریک ایدیور؛ شمعی یه قدر خامه
 ران بحث و مقال اولدیگیز شیلردن اک زیاده عقل و حکمتدن عاری اولان
 ایسته بو مکتوبدر.

محافظه و صیانتی اغورنده بیک کره جانمی قربان ایتمکلمم مقرر اولان
 ناموسکیزی لکهدار ایدیورم؟ اوله می؟ هم بنمکنی سکا ترکه مهیا اولدیغی
 کوردیگک حالد های ناکور. ناموسنی اخلاص ایدیورم اوله می؟ بو اخلاص
 ایتدیگم ناموس زده در؟ سویله ای قلب ذلیل وای روح شریر! آه!
 اگر ژولینک مجهولی اولان بر ناموسه مالک ایهک نه قدر شایان تحقیر سین!
 نه ذیمک! قدر و طالعیرینک اشتراکنی آرزو ایدنار مالیرینک اشتراک

اجتسار ایده مسون و کندی مالم اولدیغنی اقرار و اعتراف ایدن ذات عطایا و هدایا مدن ناموسی مختل اولدیغنی ظن و ذهابنه دوشسون! کنی سودیگنندن هدایا قبولی نه وقتدنبوردر موجب شین و عار عد اولئیور؟ عطیه قلبیه آخذینی نه وقتدنبوردر تریزیل ایدیور؟ واقعا آخردن ایدیلان مأخوذات تحقیر و احتیاجاتی وارداتی تجاوز ایدنلر تریزیل ایدلمیکده در . فقط کیملر طرفندن؟ عرض و ناموسی ثروت و سامان اینجه اقامد و فضائی آلتون ثقتی ایله وزن ایدن ارواح دنیه طرفندن . هیچ اهل خیر عرض و ناموسنی اویله قواعد مذلت آمیزه می تأسیس ایدر . حتی عقل و حکمت الک فقیر اولنلر لهنده مسامحه و مسامحه گوسترمیزی؟ واقعا بر صاحب ناموسک آخذ و قبولدن استکاف ایدمچگی بعض عطایای مذلت آمیز وارددر؛ لیکن معلومک اولسونکجه بونلری عرض ایدن اللر آخذ و قبول ایدنلردن ده آز ملوث اولیوب عاصمانه ایدیلان بر هدیه همان دائما عقیفانه قبول ایدیله بیلور . ایدمی محققدر که سزه اعطا ایتدیگم هدیه دن طولانی قلم بنی تخطئه ایتئیور، بالعکس بونکله تقاضا ایدیور . [۱] کوکلی و خدماتی صاتون آلتان بر آدمدن ده شایان تحقیر هیچ برشی مجزوم دکلدر؛ فقط مشتری نسادن ایسه اوحالده ایش بشقه رنگ کسب ایدر . لیکن ایکی قلب متحد بیننده اشتراک اموال عادتا عدالت و بر وظیفه ذمت اولوب سزدن زیاده یسارمدن طولانی اجرای وظیفه جه بو باید ده ده پک گیروده بولئیور ایسه مده کندیمه افراز ایتدیگم حصه نی بلا احتیاط قبول ایدر که حصه گزه اصابت ایدوبده اعطا ایتدیگمی دخی سزه مدیونم . آه! اگر انسانه موهبه عشق و محبت کران کلورسه هانگی قلب هیچ بروقت متشکر و منتدار قاله بیلور؟ احتیاجاتکژک تسویه سنه تخصیص ایتدیگم مقدارک احتیاجات ذاتیه مک تسویه سنه مخصص اولاندن تریزیل ایدلدیگنی می فرض

[۱] ژولینک بو باید حق درکاردر . بوسیاحتک اسباب خفیه می نظر دفته آنورسه هینج بر مبلغک بوندن ده ناموسکارانه استعمال اولندیغنی نمایان اولور . مبلغ مزبورک بو بولده استعمالدن ده ابی منافع استحصال قلمه مدیغنه تأسف اولئیور.

ایدیورسکزر؟ بونک عکسنى اثبات ضمننده مسلم بر دلیل درمیان ایدیم :
 شویله که تکرار اعاده ایتدیگم کیسه ایلك دفعه کوندردیگمک ایکی مثانی
 حاوی اولوب بونک ینه تضعیفی ایسه ید اختیارمده در . پدرمک و یردیگی
 معاش فی الحقیقه پک جزئی اولوب ایکیسنتک حاصلاتیه مرفهاً انتعاشم ممکن
 اولان نقش و دانستالارمدن متحصل مبالغ حسابدن خارج طوتیلدیغی حالده
 والدم هر بر احتیاجک تسویه سنه اولدرجه اهتمام و دقت ایدرکه پدرمک
 و یردیگی معاشه طوقمنه همان هج بر احتیاجم قائلز . محققدرکه هر وقت
 اولدرجه ممتول دکل ایدم ؛ بر سوی ابتلانتک دغدغه اندیشناکی اوقات
 زانده می تسویه لرینه حصر ایش اولدیغم بر طاقم خدماتی اهامل و تسامح
 ایتدرمشدرکه وارداتک بو وجهله استعمالچون بر سبب آخردر . باعث
 اولدیگزر فلا کندن طولانی محجوب و شرمسار اولمگز لازم گله رک عشق
 و محبت دخی ارتکاب ایتدیردیگی خفایای توبه و استغفار ایتدیرر . شمعی
 اساس مسئله گله لم . عرض و ناموس عطایا و هدایامک قبولندن سزى منع
 ایتدیگنی ادعا ایدیورسکزر . اگر بویله ایسه هج بر دیه جگم اولیوب حتی
 بویله بر خصیصه دن تجریدگز ممکن اوله میه جغنی بنده تسلیم ایدرم . اگر بونی
 اثباته مقتدر ایسه گز موضحاً و ناقابل اعتراض و بر طاقم خیالات واهی دن
 عاری بر صورته اثبات ایدیگزر ؛ زبر معلومگزدرکه مغالطه منفورمدر . ایسته
 اولوقت کیسه یی بگا اعاده ایده بیلورسکزر ؛ بنده بلا تشکی گبرو آله رق آرق
 بوندن هج بحث ایتم .

معترضین و مخالفین و بر خصوصى مغل ناموسى کبی ارأیه چالیشانلری
 سومدیگمدن اگر چکجه یی بردها بلا عذر ارسال ایدر و یا خود عذر یگز
 شایان قبول گورلر ایسه بوندن بویله یکدیگریمزى گورمامک اقتضا ایدر .
 امضا

ژولی